

Lárionad na Gaeilge: Taighde, Teagasc agus Tástáil
Ollscoil Mhá Nuad

Teastas Eorpach na Gaeilge

Bonnleibhéal 2 (A2)

Scrúdú samplach 1

Cluastuiscint, Léamhthuiscint, Scríbhneoireacht

1. Scríobh d'uimhir scrúdaithe anseo, le do thoil:

2. Tá an Scrúdú Cluastuisceana (25%), an Scrúdú Léamhthuisceana (25%) agus an Scrúdú Scríbhneoireachta (15%) sa leabhrán seo. Baineann an 35% eile leis an Scrúdú Cainte.

3. Freagair gach ceist.

4. Mairfidh an Scrúdú Cluastuisceana timpeall 25 nóiméad. Beidh 5 nóiméad agat leis an Scrúdú Cluastuisceana a léamh sula gcuirfear an taifeadadh ar siúl.

5. Mairfidh an Scrúdú Léamhthuisceana agus an Scrúdú Scríbhneoireachta uair go leith ar fad.

Don oifig amháin

Cluastuiscint

1	
2	
3	
4	

Léamhthuiscint

1	
2	
3	
4	
5	

Scríbhneoireacht

1	
2	
3	

Cluastuiscint

25% den scrúdú: (45 marc)

Tá 5 nóiméad agat leis an pháipéar a léamh sula dtosóidh an taifeadadh. Tá ceithre cheist ar fad sa pháirt seo. Cloisfidh tú gach téacs faoi dhó. Freagair na ceisteanna i nGaeilge.

1

Éist leis na trí fhógra agus freagair na ceisteanna thíos.

/12 marc

Fógra 1

1. Cad a bheidh ar siúl ag na daoine a rachaidh go Srí Lanca?

- A. Beidh siad ar laethanta saoire.
- B. Beidh siad ag múineadh.
- C. Beidh siad ag cabhrú le daoine ansin.
- D. Beidh siad ag foghlaim na teanga.

☐
☐
☐
☐

2. Cén uimhir ghutháin a luaitear? 091 26 _ _ _ _

Fógra 2

1. Beidh an duine ag obair _____

- A. roinnt uaireanta ag an deireadh seachtaine.
- B. roinnt uaireanta gach seachtain.
- C. dhá lá sa tseachtain.
- D. trí lá sa tseachtain.

☐
☐
☐
☐

2. Cén seoladh atá ag *Gaelcentre*? _____ Gaillimh

Fógra 3

1. Cén uair a bheidh an grúpa ag teacht le chéile?

- A. An chéad Mháirt de gach mí ag 6.00 i.n.
- B. An dara Máirt de gach mí ag 6.00 i.n.
- C. An chéad Mháirt de gach mí ag 7.00 i.n.
- D. An dara Máirt de gach mí ag 7.00 i.n.

☐
☐
☐
☐

2. Cé mhéad a chosnaíonn sé le bheith i do bhall? _____

2

Éist leis na trí chomhrá agus freagair na ceisteanna thíos.

☐

/12 marc

Comhrá 1

1. Cén post atá ag Máire faoi láthair? _____

2. Cad a bhí ar siúl aici i bPáras? _____

Comhrá 2

1. Bhí Síle déanach. Cén fáth? _____

2. Cad é a deir Síle faoin iasc? _____

Comhrá 3

1. Cén áit a bhfuil Bríd agus Aodán? _____

2. Cad a deirtear faoin mhála dubh? _____

3

Tá Linda ag pleanáil deireadh seachtaine in óstán. Éist leis an chomhrá idir í féin agus an fáilteoir. Tá Linda ag glacadh nótaí. Lión isteach na bearnaí eolais thíos.

/ 9 marc

An deireadh seachtaine in Óstán na Páirce

1. Cén dáta a mbeidh Linda ag dul chun an óstáin? _____

2. Cé mhéad a chosnaíonn na rudaí seo a leanas?

Seomra singil

Seomra dúbailte

Bricfeasta

€

€

€

3. Áiseanna sa cheantar (a) _____

(b) _____

4. **Caisleán Uí Mhurchú**

- Tógfaidh an turas go dtí an caisleán: _____ nóiméad
- Uaireanta oscailte Dé Sathairn/Dé Domhnaigh: _____ go dtí _____

4

Tá Rita agus Seán ag comhrá. Éist leis an chomhrá.
Ansin léigh na ráitis agus cuir tic le A, B nó C i ngach
cás.

☐

/12 marc

1. Tá post lánaimseartha ag Rita.
A. Fíor ☐ B. Bréagach ☐ C. Ní deirtear ☐
2. Tá Rita pósta.
A. Fíor ☐ B. Bréagach ☐ C. Ní deirtear ☐
3. Tosaíonn Rita ag obair go luath ar maidin.
A. Fíor ☐ B. Bréagach ☐ C. Ní deirtear ☐
4. Ní dhéanann Rita aon obair riamh don raidió.
A. Fíor ☐ B. Bréagach ☐ C. Ní deirtear ☐
5. Is ag obair mar aisteoir san amharclann a bhíonn Seán de ghnáth.
A. Fíor ☐ B. Bréagach ☐ C. Ní deirtear ☐
6. Faigheann Seán tuarastal maith mar aisteoir.
A. Fíor ☐ B. Bréagach ☐ C. Ní deirtear ☐

Léamhthuiscint

25% den scrúdú iomlán: (60 marc)

1

*Críochnaigh an comhrá idir Síle agus Pól.
Cuir an litir cheart (A-I) isteach i ngach
bearna thíos chun an comhrá a chríochnú.*

/12 marc

Síle: Cén tslí bheatha atá agat, a Phóil?

Pól: 1 (.....)

Síle: Agus an dtaitníonn an obair leat?

Pól: 2 (.....)

Síle: Cad faoi na daoine eile atá ag obair leat?

Pól: 3 (.....)

Síle: An bhfuil tú sásta leis an phá?

Pól: 4 (.....)

Síle: Cá bhfuil tú ag obair faoi láthair?

Pól: 5 (.....)

Síle: Agus cén fhad atá tú ag obair ansin?

Pól: 6 (.....)

- A. Bíonn sé an-chairdiúil i gcónaí.
- B. Is breá liom iad. Bíonn an-spórt againn uaireanta.
- C. Tá, agus bíonn sé seachtaine laethanta saoire agam gach bliain.
- D. Banaltra atá ann.
- E. Tá post buan agam san ospidéal i lár na cathrach.
- F. Timpeall dhá bhliain ó shin.
- G. Tá sé ceart go leor ach tá strus ag baint leis.
- H. Is dochtúir mé.
- I. Trí bliana nó mar sin.

2

Críochnaigh na comhráite seo a leanas.
Cuir tic le A, B nó C i ngach cás.

☐

/12 marc

1. An bhfuil tiomáint agat?

- A Is féidir. Tá mé measartha maith.
- B Tá. Tá ceadúnas agam le dhá mhí anois.
- C Bíonn an trácht róthrom.

☐
☐
☐

2. An duine aclaí é?

- A Tá sé ag teacht chuige féin.
- B Ní hea. Ghortaigh sé a dhroim.
- C Is ea. Bíonn sé ag siúl gach lá.

☐
☐
☐

3. An bhfuil an aimsir go deas?

- A Tá sé luath ar maidin.
- B Tá sé an-deacair.
- C Tá sé fuar agus fliuch.

☐
☐
☐

4. Ar bhuail tú le Caitriona cheana?

- A Is ea. Tá sí fiche bliain d'aois.
- B Caithfidh mé imeacht. Tá orm éirí luath.
- C Bhuail. Nach rabhamar ar scoil le chéile?

☐
☐
☐

5. Nach maith leat feoil?

- A Is fearr liom iasc de ghnáth.
- B Beidh an sailéad agam.
- C Bíonn sé róspíosrach domsa.

☐
☐
☐

6. Cad é ba mhaith leat a dhéanamh?

- A Tá mé ag dul go Gaillimh. Cén fáth?
- B Tá brón orm ach tá mé gafa.
- C Céard faoi scannán, b'fhéidir?

☐
☐
☐

3

Léigh an t-eolas faoi na trí chlár thíos. Ansin, léigh na ráitis agus cuir tic le A, B, nó C i ngach cás.

☐

/ 12 marc

Cláracha Nua ar TG4 an Samhradh seo.

Cúpla Focal (Gach Luan 8.30 pm)

Clár nua do dhaoine ar mhaith leo rud beag Gaeilge a fhoghlaim, chun cabhrú leis na páistí ar scoil, nó chun a úsáid ina gcuid oibre nó mar chaitheamh aimsire dóibh féin. Casfaimid le daoine nach bhfuil mórán Gaeilge ar chor ar bith acu: Garda as Dún Dealgan, oibrí oifige as Luimneach agus Spáinneach óg atá ag déanamh staidéir in ollscoil na Gaillimhe! Feicfimid conas a éiríonn leo.

Punt sa Sparán (Dé Céadaoin 8.30 pm)

An mbíonn tusa cúramach go leor le do chuid airgid? An mbíonn a fhios agat cá mhéad a chosnaíonn rudaí sna siopaí? An íocann tú do chuid billí in am? Sna ceithre seachtaine amach romhainn, inseoidh Siorcha Ní Laoire duit conas cúrsaí airgid a bhainistiú. Déanfaidh sí gach rud a mhíniú i nGaeilge shimplí. Is bainisteoir le Banc na hÉireann í Siorcha agus tá leabhar nótaí a scríobh sí le fáil ó TG4. Má tá imní ort faoi rud ar bith a bhaineann le cúrsaí airgid (pinsean, billí nó eile) cuir glaoch ar ‘Punt sa Sparán’ 091 387666.

Ar an Stáitse (Gach Máirt 9.00 pm agus arís Dé Sathairn 5.00 pm)

Ar mhaith leat bheith i d’aisteoir agus a bheith le feiceáil ar an teilifís agus sna scannáin? Seo do sheans le scileanna aisteoireachta a fhoghlaim! Is í an ‘múinteoir’ a bheidh agat ná Róisín Fox, aisteoir clúiteach a bhfuil a comhlacht féin aici anois, ‘Starmaker Inc.’ Teastaíonn Gaeilge líofa ó dhaoine chun páirt a ghlacadh sa chlár seo.

- Tá duine féinfhostaithe le feiceáil sa chlár seo.
A. Cúpla Focal ☐ B. Punt sa Sparán ☐ C. Ar an Stáitse ☐
- Seo clár do dhaoine nach bhfuil líofa sa Ghaeilge.
A. Cúpla Focal ☐ B. Punt sa Sparán ☐ C. Ar an Stáitse ☐
- Bíonn an clár seo le feiceáil faoi dhó gach seachtain.
A. Cúpla Focal ☐ B. Punt sa Sparán ☐ C. Ar an Stáitse ☐
- Tá mac léinn le feiceáil sa chlár seo.
A. Cúpla Focal ☐ B. Punt sa Sparán ☐ C. Ar an Stáitse ☐
- Beidh an clár seo ar siúl ar feadh míosa.
A. Cúpla Focal ☐ B. Punt sa Sparán ☐ C. Ar an Stáitse ☐
- Is féidir ceisteanna a chur ar lucht an chlár seo.
A. Cúpla Focal ☐ B. Punt sa Sparán ☐ C. Ar an Stáitse ☐

4

Léigh an sliocht thíos. Ansin, léigh na ráitis agus cuir tic le A, B nó C i ngach cás.

☐

/ 12 marc

CÚRSA SCRÍBHNEOIREACHTA

Le Lorcán Ó Tuathail

Inniu, nuair a théann daoine ar laethanta saoire, ní bhíonn siad ag iarraidh luí ar an trá ar feadh an lae, ná a bheith ag ól agus ag ithe an t-am ar fad. B'fhearr leo dul ag siúl sléibhe, nó scil nua a fhoghlaim, mar shampla teanga nó péintéireacht nó gléas ceoil. Chuaigh mise ar chúrsa scríbhneoireachta le linn shaoire na Cásca. Ba é Muiris Mac Meanmain an múinteoir a bhí againn. Tá clú ar Mhuiris mar scríbhneoir Béarla ach deir sé liom go bhfuil sé ag obair ar a chéad leabhar Gaeilge faoi láthair.

D'iarr sé orainn píosa éigin a bhí scríofa againn a chur sa phost chuige roimh an gcúrsa. Ba chuma leis cad é a bhí ann – scéal nó filíocht nó amhrán – rud ar bith fad is gur scríobhamar féin é. Anois, tá na mílte píosa scríofa agam don nuachtán seo ó thosaigh mé ag obair leis, ach tá difríocht mhór idir sin agus an 'litríocht'. Níor scríobh mé riamh ach scéal amháin – do m'iníon bheag féin. Bhí orm é a chumadh. Bíonn sí ag iarraidh orm scéal a insint di gach oíche, agus tá gach leabhar sa leabharlann léite aici!

Bhí mé an-neirbhíseach, mar sin, nuair a bhí orm mo scéal a léamh amach. Bhí beirt bhan ann a bhí ag gáire agus ag caint nuair a bhí mé ag léamh! Shíl mé go raibh sin an-drochmhúinte. Ach, nuair a bhí an scéal thart, dúirt Muiris go raibh sé “ar fheabhas.” Bhain mé an-sásamh as sin, agus, gach lá ó shin, caithim cúpla uair an chloig ag scríobh.

1. Taitníonn cineál nua laethanta saoire le daoine anois.

A. Fíor ☐

B. Bréagach ☐

C. Ní deirtear ☐

2. Is i mBéarla amháin a bhí leabhair Mhuiris go dtí seo.

A. Fíor ☐

B. Bréagach ☐

C. Ní deirtear ☐

3. Ní raibh Muiris ag iarraidh orthu aon phíosa as dráma a chur chuige.

A. Fíor ☐

B. Bréagach ☐

C. Ní deirtear ☐

4. Is iriseoir é Lorcán.

A. Fíor ☐

B. Bréagach ☐

C. Ní deirtear ☐

5. Thaitin scéal Lorcáin go mór lena iníon.

A. Fíor ☐

B. Bréagach ☐

C. Ní deirtear ☐

6. Bhí gach duine sa chúrsa deas cairdiúil.

A. Fíor ☐

B. Bréagach ☐

C. Ní deirtear ☐

5

Léigh an script thíos. Cuir **FOCAL AMHÁIN** atá oiriúnach i ngach ceann de na bearnaí.

☐

/ 12 marc

Casann Diarmaid agus Máirín le chéile ag cóisir.

- Diarmaid:** Gabh mo leithscéal. Nach bhfuil aithne agam ort ó áit éigin?
- Máirín:** Ba chóir go mbeadh. _____(1) mé leat ag cóisir na Nollag anuraidh.
- Diarmaid:** Is ea! Ach, tá brón orm, ní _____(2) liom d'ainm.
- Máirín:** Máirín. Máirín Ní Bhriain. Agus ná bí buartha. Bhí go leor _____(3) ann an oíche sin. Ní féidir cuimhneamh ar gach aon duine.
- Diarmaid:** Cad é sin? Ní chloisim thú go rómhaith. Tá an ceol beagáinín _____(4)
- Máirín:** Tá go deimhin! Agus tá mise ag éirí _____(5) i mo sheasamh anseo. Féach, tá bord thall in aice na fuinneoige. Beidh sé deas ciúin do 'sheandaoine' cosúil linne.
- Diarmaid:** Go breá! An bhfuil tú ag iarraidh bia ar bith a thabhairt leat?
- Máirín:** Níl _____(6) dá laghad orm, go raibh maith agat. Ach ba bhreá liom gloine fíona.
- Diarmaid:** Dearg nó _____(7)?
- Máirín:** Dearg, le do thoil.

Suíonn Máirín síos. Tagann Diarmaid agus gloine fíona aige.

- Máirín:** Nach bhfuil deoch agat féin?
- Diarmaid:** Níl. Tá an carr liom, agus ní ólaim in aon chor agus mé ag _____(8).
- Máirín:** Tá tú cosúil le m'fhear féin, mar sin.
- Diarmaid:** Ó, tá tú pósta?
- Máirín:** Bhuel, bhí. Fuair m'fhear céile _____(9) sé bliana ó shin, beannacht leis.
- Diarmaid:** Ó, d'inis tú sin dom roimhe. Nach mise an t-amadán! Gabh mo leithscéal, a Mháirín.
- Máirín:** Ná habair 'gabh mo leithscéal' arís, maith an fear. Ach abair liom, an fear pósta tú féin?
- Diarmaid:** Tá mé _____(10), ach réitím go maith le Bríd i gcónaí, sin an bhean a raibh mé pósta léi. Caithfidh smaoineamh ar na páistí, an dtuigeann tú.
- Máirín:** Cá mhéad páistí atá agat?
- Diarmaid:** _____(11) cailíní: Róisín, Sarah agus Aoife. Féach, tá _____(12) agam díobh anseo i mo sparán.

Scríbhneoireacht

15% den scrúdú: (34 marc)

1

Abair gur tusa Áine Ní Laoi. Scríobh píosa fút féin sa spás ar an chéad leathanach eile. Bain úsáid as an eolas atá sna pictiúir. Is leor 1-2 abairt faoi gach pictiúr.



/12 marc

Áine Ní Laoi

Deartháir/deirfiúr



Aois: 20


Cónaí



Obair



Caitheamh aimsire



Caitheamh aimsire



2

Feiceann tú an fógra thíos i nuachtán. Léigh na treoracha thíos.

☐

/12 marc

Is maith le do chara Ruairí ceol clasaiceach:

Scríobh teachtaireacht ríomhphoist chuige:

- (1) Tabhair cuireadh dó dul chuig an cheolchoirm leat.
- (2) Tabhair ***gach eolas*** dó faoin cheolchoirm.

Óstán na Páirce

Ceolchoirm: Ceol clasaiceach

Dé Máirt 2 Iúil 8.30

Ticéid: €25

A Ruairí, a chara,

Tá súil agam go bhfuil tú go maith. Tá a fhios agam go bhfuil suim _____

Cuir scéal ar ais chugam go luath mar beidh orm na ticéid a cheannach go luath.

Slán go fóill,

Aodán.

3

Líon na bearnaí sa ríomhphost thíos. Scríobh FOCAL AMHÁIN i ngach bearna.

/10 marc

A Shíle, conas tá tú?

Tá an t-ádh leat agus tú i do _____ (1) faoin tuath. Tá mé tinn tuirseach de shaol na cathrach. Tosaím ag obair gach lá ar a naoi ach bíonn orm an teach a _____ (2) ar leathuair tar éis a seacht mar bíonn an trácht ar an M50 go dona. Ba mhaith liom dul ar thraein nó ar bhus ach níl aon traein _____ (3) Dún Laoghaire agus Tamhlacht. Tá rothar agam ach tá sé an-dainséarach bheith ag rothaíocht ar na príomhbhóithre. An _____ (4) seo chugainn tá mé chun post nua a lorg áit éigin taobh _____ (5) den chathair!

Tá brón orm bheith ag gearán mar seo. Beidh an _____ (6) ríomhphost eile níos fearr. Ar _____ (7) tú go raibh mac ag Clíona le déanaí? Tá sé go hálainn – tá súile deasa donna _____ (8), díreach cosúil le Clíona í féin. Tá súil agam go bhfuil tú féin agus na páistí go maith. _____ (9) le Seán go bhfaca mé ar an teilifís é aréir. Bhí sé an-mhaith, mar is gnách. _____ (10) mé sibh ag an seisiún ag an deireadh seachtaine.

Slán go fóill,
Máire